

---

## “ТАШАББУСЛИ БЮДЖЕТ” ДА ЙИЛ САРҲИСОБИ...

Хабарларингиз бор, Ўзбекистон Республикаси Президентининг 2021 йил

13 апрель кунги “Бюджет жараёнида фуқароларнинг фаол иштирокини таъминлаш бўйича қўшимча чора-тадбирлар тўғрисида”ги ПҚ-5072-сонли қарорида белгиланган вазифалар ижросини таъминлаш жараёнида туманимизда ўтган даврнинг 2022 йил 2-босқичида ўтказилган “Ташаббусли бюджет” жараёнида аҳоли томонидан қўллаб-қувватланган **10 та** “фолиб” **лойиҳаларни** молиялаштириш учун “Фуқаролар ташаббуси” жамғармаси маблағлари ҳисобидан **8 млрд. 41,5 млн. сўм** маблағ йўналтирилди.

Ушбу лойиҳалар доирасида аҳолини қийнаб келаётган ички йўللارни асфальтлаштириш, аҳолини тоза ичимлик суви билан таъминлаш ва электр-энергия тизимини яхшилаш каби масалалар ўз ечимини топмоқда.

Жумладан;

Ички йўллارни асфальтлаштириш – тумандаги 6 та маҳалла фуқаролар йиғинларидаги кўчаларнинг 18 км қисми асфальтлаштирилмоқда;

Аҳолини тоза ичимлик суви билан таъминлаш – тумандаги Гастон маҳалла фуқаролар йиғинига қарашли Навниҳол, Оромгоҳ, Зийнат ва Намуна кўчаларига 6 км тоза ичимлик суви тармоғи тортилиб, фойдаланишга топширилди;

Электр-энергия тизимини яхшилашда – Гастон, Қорасоқол ҳамда Янгибўстон МФЙларида маънан эскирган симёғочлар ва трансформаторларни янгилашда 5 дона трансформатор ва 285 дона бетон сим ёғоч ўрнатилиб, 11,5 км тармоқ тортиш ишлари якунланмоқда.

Бундан ташқари соғлиқни сақлаш тизимида туман марказий шифохонасига тиббий хизмат сифатини яхшилашда, мавжуд бино жорий таъмирдан чиқарилиб, фойдаланишга топширилди.

Ҳозирги кунда тумандаги Сувлиариқ МФЙ Чашма, Эхтиром ва Аҳиллик кўчаларида назарда тутилган лойиҳа бўйича асфальтлаштириш ишлари амалга оширилмоқда.

“Очиқ бюджет” дастури доирасида 2023 йил февраль-август ойларида туманимизда ўтказиладиган 2-босқичли ташаббусли бюджет тадбирлари учун бюджет параметрларида **7 млрд. 992 млн. сўм** маблағ кўзда тутилди.

**Сайфулло МИРЗАЕВ,**

**туман молия бўлими мудир.**